

Josua

Josua gêwê lau Israel gêjô Mose su jasêku lau Kanaan tulu ma sêjaŋgo gamêj tau su naminj gêc buku, tec sê Josuanê ñaê kêpi nec ñalêlôm.

Buku tau ñasêbu kapôêj têlêac gebe

1. Môkêlatu 1-12 Lau Israel selom bu Jordan jasêsa Kanaan ma sêkôc nom tau su aŋga malacm nêj.
2. Môkêlatu 13-22 Lau Israel sêpuc kapoac gebe gôlôacmôkê ñagêdô 9 to Manasenê gôlôac ñamakej têtap nêj nom sa aŋga gamêj, taŋ gêc bu Jordan ñamakej gêmu oc kêsêpña naŋ.
3. Môkêlatu 23-24 Josua kêsaê gebe nê noc êwi nom siŋña kêdabinj, tec kêkalem lau Israel sêkac sa ma gêlêj biŋ êsêac kêtû dim luagêc. Lau Israel sêsôm kêtû tôj kêtiam gebe sejop Anôtônê poac ma sênam sakinj eŋ taugenj endenj tôjgenj.

Lau Israel sêmasaŋ tauj gebe sêsa gamêj Kanaan sêna

¹ Apômtaunê sakinjwaga Mose gêmac êndu su, go Apômtau kêsôm biŋ gêdêj Mosenê sakinjwaga Nun latu Josua gebe ²“Ñoc sakinjwaga Mose gêmac êndu, amboac tonaj ôndi olom bu Jordan tonec. Lau samob sêwiŋ aôm, ma naaô lasê gamêj, taŋ galoc jakêj êndêj lau Israel naŋ. ³ Gamêj samob, taŋ emtapa aka naŋ, aê jakêj êndêj amac êtôm gajac mata gêdêj Mose. ⁴ Gamêj samob, taŋ gêc gamêj sawa to lôc Lebanon ma bu kapôêj Euprat, taŋ kêtû lau Het nêj gamêj naŋ, e gêdêj gwêc kapôêj,

tañ kêpoac gêmu oc kêsêpna nanñ ñasawa, gamêñ samob tonañ êtu amacnêm nom. ⁵ Êtôm têm ômoa matam jalinã nanñ, ñac tenñ êtôm gebe êkô aôm auc atom. Aê jamoa jawinñ aôm êtôm gamoa gawinñ Mose. Aê oc janğaminñ tauc êndênñ aôm to jawi aôm sinñ atom. ⁶ Ôkô ñajaña totêmtac êpa sugenñ, gebe aôm taômgenñ ôkênñ lau tonec sêwê kainñ gamêñ, tañ katôc lemoc gêdênñ êsêac tamenñ gebe jakênñ êndênñ êsêacña nanñ. ⁷ Amboac tonañ ôkô ñajaña totêmtac êpa sugenñ ma ojop taôm gebe ôñğôm binñsu samob, tañ ñoc sakinwaga Mose kêjatu aôm nanñ, ñanô êsa. Ôwi binñsu tau sinñ ma o sic ômu anô me gasêña atom, ec ôtap nêm lênñ ñanô ñajam sa. ⁸ Binñsu ñabuku ñabinñ ênêc aôm awamsunñ ñapanğenñ. Taêm ênam binñ tau ênêc nêm ñalêlôm êtôm elenñ to êmbêc, ec ôñğôm binñ samob, tañ teto gêc buku tau nanñ, ñanô êsa tomalagenñ. Embe ôñğôm amboac tonañ, go ôsa nêm lênñ e ônac dabinñ ñapep ma ôtap nêm lênñ ñanô ñajam sa. ⁹ Aê kajatu aôm gebe ôkô ñajaña totêmtac êpa sugenñ. Ôtêc taôm atom ma katôm ôluñ-ôluñ atom, gebe Apômtau, aômnêm Anôtô, oc êmoa êwinñ aôm êtôm lênñ samob, tañ ôsa ôna nanñ.”

¹⁰ Go Josua kêjatu launênñ kasêga gebe ¹¹ “Asa gamêñ becña ana ma ajatu lau gebe ‘Amansañ nêm gênñ aninña gebe êpuc amac tônñ anğa intêna. Bêc têlêac ênaña acgom, go alom bu Jordan tonec naakôc nom, tañ Apômtau, amacnêm Anôtô, gebe êkênñ êndênñ amac nanñ su, gebe êtu amacnêm gamêñ.’”

¹² Go Josua kêsôm gêdênñ lau Ruben to Gad ma lau Manase ñamakenñ gebe ¹³ “Taêm ênam binñ, tañ Apômtaunê sakinwaga Mose kêjatu amac nanñ, gebe

‘Apômtau, amacnê Anôtô, oc êkêḡ gamêḡ alêwan taômḡa êndêḡ amac, ma gebe êkêḡ nom tonec êndêḡ amac.’ ¹⁴ Amacnê lau to nêḡ gôlôac ḡasec-ḡasec ma nêḡ bulimakao sêmoa gamêḡ, taḡ Mose kêkêḡ gêdêḡ amac gêc bu Jordan ḡamakeḡ tonecḡa naḡ. Mago amacnê lau ḡaclai sêḡa laukasap sa naselom bu sêmuḡ nêḡ lasitêwai ma sênam êsêac sa ¹⁵ e Apômtau êkêḡ nêḡ lasitêwai sêlêwan taun têtôm amac ma sêḡgôḡ têtû wakac aḡḡa gamêḡ, taḡ Apômtau êkêḡ êndêḡ êsêac naḡ. Su, go amac amu amêḡ nom, taḡ kêtû amacnêḡ gamêḡ naḡ. Apômtaunê sakinḡwaga Mose kêkêḡ gamêḡ, taḡ gêc bu Jordan ḡamakeḡ gêmu oc kêpiḡa naḡ, gêdêḡ amac.” ¹⁶ Ma êsêac sêḡô Josua awa gebe” Biḡ samob, taḡ kôjatu aêac naḡ, aêac abe aḡgôm ḡanô êsa, ma asa gamêḡ samob, taḡ ôsakinḡ aêac naḡ ana. ¹⁷ Aêac taḡeḡ wamu aôm êtôm taḡeḡ wamu Mosenê biḡ samob. Biḡ tagenḡ tonec gebe Apômtau, aômḡnêḡ Anôtô êmoa êwiḡ aôm êtôm gêmoa gêwiḡ Mose. ¹⁸ Lau samob, taḡ sêli aweḡ sa êndêḡ aômḡnêḡ jatu to taḡeḡḡpêc aômḡnêḡ biḡ, taḡ ôjatu êsêac naḡ, oc sênac êsêac êndû. Biḡ tagenḡ tonec gebe ôkô ḡajaḡa ma têtḡtac êpa su.”

2

Josua kêsakinḡ kelenḡwaga sêḡa Jeriko

¹ Go Nun latu Josua kêsakinḡ ḡac luagêc kelecḡen aḡḡa gamêḡ Sitim, gebe sêkêḡ kelenḡ gamêḡ. Enḡ kêsôm gêdêḡ êsêagêc gebe “Ajôc, amagêc akêḡ kelenḡ gamêḡ to malac Jeriko amboac tonanḡeḡ.” Ma êsêagêc sêḡa jasêô lasê mockainḡo teḡ nê andu ma sêḡgôḡ tônê. Awê tau nê ḡaê gebe Rahab. ² Ma

lau sêkênj ñawae gêdênj kin Jerikoña ma sêsôm gebe “Ôlic acgom, gêdênj gêbêc lau Israel nêj lau ñagêdô sêô lasê tonec gebe sêlic gamênj.” ³ Go kin Jerikoña kêsakinj lau dêdênj Rahab jasêsôm gebe “Ôkênj lau, tañ sêpi nêmandu dêdênj aôm sêwac nañ, sêsa sêmênj. Êsêac sêmênj gebe sêkênj kelenj gamênj.” ⁴ Mago awê kêkôc ñaclagêc sa jakêsinj êsêagêc ôkwi ma kêsôm gebe “Binñanô, lau dêdênj aê sêmênj, mago aê gajam kauc êsêac sêmênj anja ondoc. ⁵ Gêdênj tañ gamênj ñakesec kêsa ma kêdabinj gebe sênsañ malac ñakatam auc nañ, lau tau sêc sêja. Gamênj tañ êsêac sêja nañ, aê gajam kauc. Andanguc êsêac ñagaôgenj, oc aê êsêac tônj.” ⁶ Mago awê tau gêwê êsêagêc sêpi salôm ñaô jakêsinj êsêagêc sêc mê ñalaunj, tañ enj kêta gêc salôm ñaô nañ ñalêlôm. ⁷ Amboac tonañ lau tau têdaguc êsêagêc sêsa intêna Jordanna sêja e jadêdênj buselenj. Lau tonañ sêwi malac sinj, ma sêsañ katam auc.

⁸ Ñaclagêc tau sêc bêc atom tagenj ma awê kêpi salôm gêdênj êsêagêc gêja ⁹ ma kêsôm gêdênj êsêagêc gebe “Aê kajalagac gebe Apômtau kêkênj gamênj tonec gêdênj amac, ma aêac samob atêc amac, ma lau gamênj tonecña nêj ñalêlôm kêtupalê sugac. ¹⁰ Gebe aêac anjô ñawae, gebe Apômtau kêkênj Gwêckoc kêtupalê kelenj kêtupalê amacña gêdênj tañ awi Aiguptu sinj nañ. Ma anjô gênj, tañ agôm gêdênj lau Amor nêj kin luagêc Sihon agêc Og anja Jordan ñamakenj ônêña. Amac asenj êsêagêc su samucgenj. ¹¹ Gêdênj ñasawa, tañ aêac anjô binj tonañ nañ, aêacma ñalêlôm kêtupalê kêtupalê amacña, ma ñajaña tenj gêc lau tenj kêtiam atom, gebe Apômtau, amacnêmandu Anôtô, enj undambê lólôcña ma nom

elonja ñaAnôtô. ¹² Amboac tonañ atôc lememe êndên Apômtau ma asôm êndên aê gebe taêm walô tamocnê gôlôac êtôm aê tauc taéc walô amagêc. Ma akên ñabelo ñanô teñ êndên aê. ¹³ Aôc lememe tôñ êndên tinoc agêc tamoc ma lasicio to ñac ma êsêacnên lau samob, ma anam aêac sa gebe amac êndu atom.” ¹⁴ Ma ñaclagêc sêsôm gêdên eñ gebe “Amac embe aoc aêagêcma biñ tonec lasê atom, go aêagêc anac da amac. Êndên tañ Apômtau êkên gamên tau êndên aêac nañ, taên walô amac to amoasiñ amac.”

¹⁵ Go awê tau kêlêwanj êsêagêc ña lêpoa sêsêp katam saun, gebe nê andu kêtú tunbôm malacña gêwiñ, tec tunbôm kêtú ênê andu. ¹⁶ Ma eñ kêsôm gêdên êsêagêc gebe “Api lôc ana, gebe sêjandawaga têtap amagêc sa atom. Asin taôm amoa tônê êtôm bêc têlêac e sêjandawaga sêmu sêmên su acgom, go amagêc asa nê intêna ana.” ¹⁷⁻¹⁸ Go ñaclagêc sêsôm gêdên eñ gebe “Ôlic acgom, êndên tañ aêac asa gamên tonec amên nañ, ômoatiñ gam kokoc tonec eñkaleñ katam saun, tañ kôlêwanj aêagêc asêp amên nañ. Ma tênam agêc tamam to lômi ma tamamnê gôlôac samob sêpi tagen anga nê andu. Embe ôngôm tonec atom, go biñ, tañ aôm kôsôm gebe atôc lemeñ êpi nañ, ênsêlô. ¹⁹ Ñac teñ embe êwi nê andu siñ êsa intêna êna, nañ eñ tau êwê nê dec ñakaiñ, aêac atom. Mago ñac teñ, tañ êmoa andu ñalêlôm êwiñ aôm nañ, embe êtap gênwapac sa, go aêac awê ênê dec ñakaiñ. ²⁰ Ma aôm embe ôsôm aêagêcma biñ tonañ lasê, go biñ, tañ aôm kôsôm gebe aêagêc atôc lemeñ êpi nañ ênsêlô.” ²¹ Ma awê tau kêsôm gebe “Biñ tañ asôm su nañ, ñanô êsa.” Go

kêsakiñ êsêagêc gebe sêc sêna, tec êsêagêc sêwi enj sinj ma sêja. Ma enj tau kêmoatiñ gam kokoc geñkaleñ katam sauj tau.

²² Êsêagêc sêwi awê tau sinj jasêpi lôc ma sêmoa tônê kêtôm bêc têlêac e sêjandawaga sêmu sêja. Sêjandawaga sesom gamêñ, tañ gêc intêna maken-makeñ nañ, mago têtap lau teñ sa atom. ²³ Go ñaclagêc sêsêp anga lôc sêmêñ kêtiam jaselom bu ma sêo lasê dêdêñ Nun latu Josua, go sêjac miñ biñ samob, tañ kêtap êsêagêc sa nañ, gêdêñ enj. ²⁴ Ma sêsôm gêdêñ Josua gebe “Apômtau kêkêñ gamêñ samob kêsêp aêac lemeñ biññanôgeñ. Ma biñ teñ, lau gamêñ tauña samob sêmoa tonêñ ñalêlôm ñatutucgeñ kêtú aêacña.”

3

Lau Israel selom bu Jordan

¹ Gêdêñ bêbêc kanucgeñ Josua gêdi ma gêwi Sitim sinj ma lau Israel samob sêwiñ enj. Êsêac sêo lasê bu Jordan ma sê becobo anga tônê, selom sebeñ atom. ² Bêc têlêac gêbacnê, go sinjwaganêñ laumata sêsêlêñ sêmoa gamêñ becña ñalêlôm ³ ma sêjatu lau gebe “Amac embe alic Apômtau, amacnê Anôtô, nê katapa poacña, tañ lau Lewi nêñ dabuñwaga sêmbalañ nañ, go andi ma andançuc katapa tau, ⁴ ec ajala intêna, tañ asa nañ, gebe amac asa intêna tonec kwanançgeñ atom. Mago ñasawa êniñ katapa to amac êngic. Ñasawa tau amboac saka 500. Andambiñ katapa tau atom.” ⁵ Ma Josua kêsôm gêdêñ lau gebe “Anam dabuñ taôm, gebe eleñña Apômtau gebe êngôm gêñtalô anga amac ñalêlôm.” ⁶ Ma Josua kêsôm gêdêñ dabuñwaga gebe “Aôc katapa poacña

sa ma asêlêḡ amuḡ.” Tec êsêac sêôc katapa poacḡa tau sa ma sêselêḡ sêmuḡ lau.

⁷ Ma Apômtau kêsôm gêdêḡ Josua gebe “Ocsalô aê gabe jatoc aôm sa lau Israel samob sêlic e sêjala gebe aê oc jamoa jawiḡ aôm êtôm gamoa gawiḡ Mose. ⁸ Ma aôm ôjatu dabuḡwaga, taḡ sêmbalaḡ katapa poacḡa naḡ, gebe ‘Êndêḡ taḡ aô lasê Jordan ḡatali naḡ, akô ḡaḡêḡgeḡ aḡa bu ḡalêlôm.’”

⁹ Go Josua kêsôm gêdêḡ lau Israel gebe “Ajôc, atu gasuc amêḡ, ma akêḡ taḡem Apômtau, amacnêḡ Anôtô, nê biḡ.” ¹⁰ Ma Josua kêsôm gebe “Biḡ tonec êwa sa êndêḡ amac gebe Anôtô mata jali gêmoa gêwiḡ amac ma eḡ êselêḡ êmuḡ amac ma êjanda lau Kanaan to Het ma lau Hiw to Peris ma lau Girgas to Amor ma Jebus biḡḡaḡoḡeḡ. ¹¹ Alic acgom, Apômtau, taḡ kêtú nom samucgeḡ ḡatau naḡ, nê katapa poacḡa elom bu Jordan êmuḡ amac. ¹² Ma galoc ajaliḡ lau ¹² sa aḡa Israelnêḡ gôlôacmôkêḡnêḡ, ḡac tagen-tageḡ êtôm gôlôacmôkêḡeḡ. ¹³ Ma êndêḡ taḡ lau dabuḡ, taḡ sêmbalaḡ Apômtau, nom samucgeḡ ḡatau, nê katapa naḡ, sêu enḡapa êsêḡ bu Jordan, go bu tau enselen êtiam atom êpoac ma bumôkê êlêc sa naêkô amboac lênsaḡ teḡ.”

¹⁴ Amboac tonaḡ gêdêḡ taḡ lau dêdi aḡa nêḡ becobo sebe selom bu Jordan naḡ, dabuḡwaga sêbalaḡ katapa poacḡa sêmuḡ lau. ¹⁵ Ma gêdêḡ taḡ dabuḡwaga, taḡ sêbalaḡ katapa naḡ, sêo lasê Jordan ma gêdêḡ taḡ lau-sabalaḡ-katapawaga tau sêu enḡkaiḡ kêsêḡ bu, taḡ kêsalê Jordan ḡatali auc gêdêḡ têm sêjac kôm ḡaḡô saḡa naḡ, ¹⁶ bumôkê gêlêc sa jakêsuḡ tôḡ kêkô Jaêcgeḡ amboac lênsaḡ

kêkanônḡ malac Adam, taḡ gêc Sareta ḡagala naḡ. Ma bu aêḡa, taḡ kêsa gwêc Arabaḡa, taḡ sêsam teḡ gebe Gwêcmatê naḡ, kêpa samucgeḡ. Ma lau selom sêsêp gamêḡ, taḡ kêkanônḡ Jeriko naḡ. ¹⁷ Ma gêdêḡ taḡ lau Israel samob sêsêlêḡ sêmoa gamêḡ kelengeḡ jasêpi bumakeḡ naḡ, dabuḡwaga, taḡ sêbalaḡ katapa poacḡa naḡ, sêkô gamêḡ ḡakelenḡ aḡga bu Jordan ḡaluḡ e lau samob selom bu Jordan gêbacnê.

4

Poc 12, naḡ sêkôc aḡga Jordan

¹ Lau samob selom bu Jordan jasêpi su acgom, go Apômtau kêsôm gêdêḡ Josua gebe ² “Ôjalij lau 12 sa aḡga launêḡ, ḡac tagenḡ-tagenḡ êtôm gôlôacmôkêgeḡ, ³ ma ôjatu êsêac gebe ‘Akôc poc 12 aḡga Jordan ḡaluḡ tonec, akôc aḡga gamêḡ, taḡ dabuḡwaga eḡtapa sêka naḡ, ma akôc poc tau amêḡ bumakeḡ ma atoc poc tau êkô gamêḡ, taḡ êmbêc anêc naḡ.’ ” ⁴ Go Josua kêkalem lau 12 tau aḡga lau Israel nêḡ, taḡ kêjalij sa naḡ, ḡac tagenḡ-tagenḡ kêtôm gôlôacmôkêgeḡ. ⁵ Ma Josua kêsôm gêdêḡ êsêac gebe “Asêlêḡ naamuḡ Apômtau, amacnêḡ Anôtô, nê katapa êsêp bu Jordan ḡaluḡgeḡ ma aôc poc tagenḡ-tagenḡ êtômgeḡ ma poc tau ḡanamba êtôm Israelnêḡ gôlôacmôkê. ⁶ Poc tonaj êtu ḡabelo êkô amac ḡalêlôm. Ma embe nêḡ ḡapalêo to ḡac têtú kênac amac êtu ḡamu gebe ‘Poc tonec gebe êwa asageḡ sa êndêḡ amac,’ ⁷ go anac miḡ êndêḡ êsêac gebe Bu Jordan gêlêc sa ma kêkêḡ ḡasawa gêdêḡ Apômtaunê katapa poacḡa. Gêdêḡ taḡ katapa tau gelom Jordan naḡ, ḡabu gêlêc sa. Tec poc tonec êtu ḡabelo teḡgeḡḡa êndêḡ lau Israel.”

⁸ Ma lau tau sêgôm biñ, tañ Josua kêjatu nañ, ñanô kêsa ma sêkôc poc 12 anğa Jordan ñaluñgeñ kêtôm lau Israel nêñ gôlôacmôkênêñ ton, kêtôm tañ Apômtau kêsôm gêdêñ Josua nañ. Ma êsêac sêôc poc tau selom jasêpi gamêñ, tañ sebe sênêc nañ, ma tetoc poc tau sêngôñ tonañ. ⁹ Ma Josua gêboa poc 12 sa kêkô Jordan ñaluñgeñ anğa gamêñ, tañ dabuñwaga sêbalañ Apômtaunê katapa ma entapa sêka nañ, ma poc tau kêkô tônê e mênğêdêñ galoc. ¹⁰ Ma Apômtau kêjatu Josua gebe êsôm biñ, tañ Mose kêjatu Josua nañ, êndêñ lau Israel. Ma dabuñwaga, tañ sêbalañ katapa nañ, gacgeñ sêkô Jordan ñaluñgeñ e biñ samob, tañ Apômtau kêjatu Josua nañ, ñanô kêsa.

Ma lau selom sêkac taunğeñ sêja bumakeñ. ¹¹ Ma gêdêñ tañ lau samob selom jasêpi ñamakeñ su nañ, Apômtaunê katapa to dabuñwaga selom amboac tonanğeñ sêmuñ lau. ¹² Rubennê wakuc ma Gadnê wakuc to Manasenê gôlôac ñamakeñ selom tolaukasapgeñ sêmuñ lau Israel kêtôm Mose kêjatu êsêac. ¹³ Siñwaga tolaukasap amboac 40,000 selom jasêpi Jeriko ñagamêñ gaboanña sêja. Êsêac sêmasañ tañ gebe sênac siñ sêmoa Apômtau lañônêmña. ¹⁴ Gêdêñ bêc tonañ Apômtau ketoc Josua sa anğa lau Israel lañônênêm ña ma êsêac têtêc eñ kêtôm têm, tañ gêmoa mata jali nañ, kêtôm têtêc Mose.

¹⁵ Ma Apômtau kêsôm gêdêñ Josua gebe ¹⁶ “Ôjatu dabuñwaga, tañ sêbalañ katapa poacña nañ, gebe sêpi anğa Jordan sêmên.” ¹⁷ Amboac tonañ Josua kêjatu dabuñwaga gebe “Api anğa Jordan amên.” ¹⁸ Ma gêdêñ tañ dabuñwaga, tañ sêbalañ Apômtaunê katapa poacña nañ, sêpi anğa Jordan ñaluñ su ma

êsêac entapa sêka gamêñ ñakelen nan, bu Jordan gêjô tau mala e kêsâlê butali auc kêtiam kêtôm gêmunña.

¹⁹ Lau mênșêpi anğa Jordan gêdên ajôn ñamataña ñabêc kêtü 10 ma sê nêñ bec sênğôn Gilgal, tañ gêc malac Jeriko ñagamên oc kêpiña nan. ²⁰ Ma Josua gêboa poc 12, tañ êsêac sêkôc anğa Jordan nan, sa anğa Gilgal. ²¹ Ma en kêsôm gêdên lau Israel gebe “Amacnêm ñapalêo to ñac embe têtü kênac tamenji êtu ñamu gebe ‘Poc tonec ñam amboac ondoc,’ ²² go awa sa êndên êsêac ma asôm gebe ‘Lau Israel selom bu Jordan tonec sêmoa gamên kelenğen,’ ²³ gebe Apômtau, amacnêm Anôtô, gêgôm bu Jordan kêpa kêtü amacña e alom mênjapi ñamaken kêtôm gêgôm gêdên Gwêckoc, tañ gêgôm kêpa kêtü aêacña e alom mênjapi ñamaken. ²⁴ En gêgôm gên tonan, gebe lau tomôkê-tomôkê nomña sêjala, gebe Apômtau lêma ñajaña ma gebe amac atêc Apômtau, amacnêm Anôtô, enden tônğen.”

5

¹ Lau Amor nêñ kiñ samob, tañ sêmoa bu Jordan ñamaken kêsî gamên oc kêsêpña nan, ma lau Kanaan nêñ kiñ samob, tañ sênğôn gwêctali nan, sênğô ñawae gebe Apômtau gêgôm bu Jordan kêpa kêtü lau Israelña e selom bu su, tec nêñ ñalêlôm kêtü palê ma nêñ ñaclai gêbacnê kêtü lau Israelña.

Josua kêsa lau ma êsêac sêlic om Pasa anğa Gilgal

² Gêdên ñasawa tonan Apômtau kêsôm gêdên Josua gebe “Ômansan bôjan poc ma ôsa lau Israel êtiam êtu luagêcña.” ³ Amboac tonan Josua kêmasan bôjan poc ma kêsa lau Israel anğa Gibeat-Haralot.

⁴ Josua kêsa êsêac kêtû ñam amboac tonecña gebe lau to siñwaga samob, tañ sêwi Aiguptu siñ nañ, sêmac êndu anğa intêna gamêñ sawaña gêdêñ tañ sêwi Aiguptu siñ su nañ. ⁵ Êsêac sêsa lau samob, tañ sêmêñ nañ, mago lau samob, tañ tenenji sêkôc êsêac gêdêñ tañ sêwi Aiguptu siñ su ma sêmoa intêna gamêñ sawaña nañ, tec sêsa êsêac atom. ⁶ Gebe lau Israel sêsêlêñ sêmoa gamêñ sawa kêtôm jala 40 e lau samob to siñwaga samob, tañ sêwi Aiguptu siñ nañ, sêjaña anğa gamêñ sawa kêtû êsêac sêkêñ tañ Apômtau awa atomña, tec Apômtau kêtôc lêma gebe êsêac sêlic gamêñ, tañ Apômtau gêjac mata gêdêñ aêac tamenji gebe êkêñ gamêñ, tañ su to lêp keselen êndêñ aêac nañ atom. ⁷ Amboac tonañ Josua kêsa êsêac gebe êsêac sêsa lau tonañ anğa intêna atom.

⁸ Gêdêñ tañ sêsa lau samob su nañ, sêngôn nêñ gamêñ becoboñagen e kamoc gemo. ⁹ Ma Apômtau kêsôm gêdêñ Josua gebe “Ocsalô tonec aê kakac bin majen Aiguptuña su anğa amacnêm.” Tec sê gamêñ tau ñaê gebe Gilgal e mêngêdêñ galoc.

¹⁰ Lau Israel sê nêñ becobo sêngôn Gilgal ma gêdêñ ajôn tonañ ñabêc kêtû 14 ñagêbêc êsêac sêlic om Pasa. Êsêac sêmoa malac Jeriko ñagamêñ gaboanña. ¹¹ Sen Pasa su ma ñagelen êsêac sen gamêñ tau ñakôm ñanô, sen polom ñaluc to polom ñanô, tañ sêpac nañ, gêdêñ bêc tonañgen. ¹² Ma mana tau gêbacnê gêdêñ bêbêcgen tonañ, gêdêñ tañ sen gamêñ tau ñakôm ñanô nañ. Ma lau Israel têtap mana sa kêtiam atom, sen gamêñ Kanaan ñakôm ñanô gêdêñ jala tonañ.

Josua agêc ñac tosin

13 Gêdêḡ taḡ Josua gêmoa Jeriko ḡamalac gala naḡ, eḡ gêôc mataanô sa ma gêlic ḡac teḡ kêkô eḡ laḡônêmḡa. ḡac tau gê nê siḡ sa ma kêmêgôm siḡ tau ḡa lêma. Josua gêdêḡ eḡ gêja ma kêsôm gêdêḡ eḡ gebe “Aêacma ḡac aôm me ma ḡacjonêḡ ḡac aôm.” 14 Ma eḡ kêsôm gebe “Masi, aê Apômtaunê siḡwaganêḡ laumata. Galocgeḡ tec gamêḡ.” Go Josua gêu tau jagêc laḡôanô gêdêḡ nom ma keteḡ mec to kêsôm gêdêḡ eḡ gebe “ḡoc apômtau êjatu biḡ ondoc êndêḡ nê sakiḡwaga.” 15 Ma Apômtaunê siḡwaganêḡ laumata kêsôm gêdêḡ Josua gebe “Ônu atapa su aḡga amtapa, gebe gamêḡ, taḡ kôkô naḡ, gamêḡ dabuḡ.” Ma Josua gêgôm kêtôm tonanḡ. *

6

Lau Israel sêku malac Jeriko tulu

1 Ma lau Jeriko sêbalaḡ nêḡ malac auc ḡapep kêtû lau Israelḡa. Lau teḡ sêsô-sêsa atom. 2 Ma Apômtau kêsôm gêdêḡ Josua gebe “Ôlic acgom, aê kakêḡ Jeriko to ḡakiḡ ma siḡwaga toḡaclai sêsêp aôm lêmam. 3 Amboac tonanḡ amac siḡwaga samob asêlêḡ aḡgi malac tau auc êtu dim tageḡ. Ma aḡgôm amboac tonanḡ êtôm bêc 6. 4 Ma dabuḡwaga 7 sêkôc dauc 7 sêsêlêḡ sêmuḡ katapa poacḡa. Ma êndêḡ bêc êtu 7ḡa amac asêlêḡ aḡgi malac auc êtu dim 7 ma dabuḡwaga sênac dauc êtaḡ. 5 Ma êsêac embe sênac dauc êtaḡ ê tôḡ baliḡgeḡ, ma amac embe aḡô dauc êtaḡ amboac tonanḡ, go lau samob sênam lasê toaligeḡ ma malac ḡatuḡbôm êku sa ma lau samob gacgeḡ sembo sêsa malaclêlôm

* 5:15: Gilgal ḡam gebe Takac su.

sêna.” ⁶ Amboac tonañ Nun latu Josua kêkalem dabuñwaga ma kêsôm gêdêñ êsêac gebe “Aôc katapa poacña sa ma dabuñwaga 7 sêkôc dauc 7 ma sêsêlêñ sêmuñ Apômtaunê katapa poacña.” ⁷ Ma eñ kêsôm gêdêñ lau gebe “Ajôc, asêlêñ anji malac auc ma siñwaga tolaukasap sêsêlêñ sêmuñ Apômtaunê katapa.”

⁸ Ma lau sêgôm biñ, tañ Josua kêjatu nañ, ñanô kêsa. Dabuñwaga 7 sêkôc dauc 7 ma sêsêlêñ sêmuñ sêmoa Apômtau lanônêmña. Êsêac sêjac dauc kêtañ ma Apômtaunê katapa poacña kêsêlêñ kêdaguc êsêac. ⁹ Ma siñwaga tolaukasap sêsêlêñ sêmuñ dabuñwaga, tañ sêjac dauc kêtañ ñapañ. ¹⁰ Ma Josua kêjatu lau gebe “Anam lasê atom, anam taôm tôñgeñ, asôm biñ teñ êsa awemsuñ atom e êndêñ bêc aê jasôm êndêñ amac gebe Anam lasê, go anam lasê.” ¹¹ Amboac tonañ eñ kêsakiñ Apômtaunê katapa kêgi malac tau auc kêtú dim tagen. Su, go sêo lasê gamêñ becoboña kêtiam ma sêc bêc anga tonañ.

¹² Gêdêñ bêbêc kanucgen Josua gêdi sa ma dabuñwaga sêbalañ Apômtaunê katapa. ¹³ Ma dabuñwaga 7 sêkôc dauc 7 sêsêlêñ sêmuñ Apômtaunê katapa ma sêjac dauc ñapañ. Ma siñwaga tolaukasap sêsêlêñ sêmuñ êsêac ma lau ñagêdô têdaguc Apômtaunê katapa, ma dauc kêtañ ñapañ. ¹⁴ Ma gêdêñ bêc kêtú luagêcña êsêac sêsêlêñ sêgi malac auc kêtú dim tagen amboac tonanjen ma sêmu sêja gamêñ becoboña. Sêgôm amboac tonañ kêtôm bêc 6.

¹⁵ Gêdêñ bêc kêtú 7ña êsêac dêdi gêdêñ gelen mata ma sêsêlêñ sêgi malac auc amboac sêgôm-sêgôm

kêtu dim 7. Gêdêñ bêc tagenñ tonanğenñ tec êsêac sêsêlêñ sêgi malac auc kêtu dim 7. ¹⁶ Ma gêdêñ tañ sêgi malac auc kêtu dim 7ña ma dabuñwaga sêjac dauc kêtañ nañ, Josua kêsôm gêdêñ lau gebe “Anam lasêmañ, gebe Apômtau kêkêñ malac tau gêdêñ amac. ¹⁷ Ma malac to ñagêñ samob êtu Apômtaunê gêñ enseñ suña. Mockaiño Rahab to nê lau samob, tañ sêmoa sêwiñ eñ anğa ênê andu nañ, taunğenñ go sêmoa mateñ jali, gebe eñ gêsa lau jaenña, tañ aêac tasakiñ êsêac nañ auc. ¹⁸ Ma amac ajop taôm êndêñ gêñ, tañ gêjac anseñ suña ñawae. Matem katu gêñ tau e akôc ñagêdô, tañ kêtu Apômtaunê nañ, su atom. Embe anğôm, go lau Israel nêñ gamêñ becoboña êwê kaiñ biñ, tañ êtap malac Jeriko sa nañ, êwiñ ma êtap gêñwapac ñanô sa. ¹⁹ Ma silber to gold samob ma laclu, tañ sêmasañ ña ki kokoc to jejec nañ, êtu Apômtaunê gêñ dabuñ naêsêp Apômtaunê kanom.” ²⁰ Amboac tonañ lau sêjam lasê ma sêjac dauc kêtañ. Gêdêñ tañ lau sêñô dauc kêtañ nañ, sêjam lasê ma tuñbôm kêku sa, ma lau sêpi malac sêja. Lau samob gacgenñ sebo sêsa malac sêja ma sêku malac tau tulu. ²¹ Go sesenñ malac samucgenñ su. Êsêac sesenñ ñac to awê ma lau matac to lau ñanô, sesenñ bulimakao to domba ma donki. Êsêac sesenñ gêñ samob su ña siñ ñamata.

²² Ma Josua kêsôm gêdêñ ñaclagêc, tañ sêkêñ kelenñ gamêñ nañ, gebe “Asô awê mockaiño nê andu ana ma akôc awê tau to nê lau samob, tañ sêmoa sêwiñ eñ nañ, sêsa sêmêñ amboac atôc lememeñ gêdêñ eñ nañ.” ²³ Amboac tonañ ñac wakuc luagêc tau, tañ sêkêñ kelenñ gamêñ nañ, sêsô andu

sêja ma sêkôc Rahel to têna agêc tama ma lui to nê lau samob, tañ sêngôn sêwiñ en nañ, sêsa sêmêñ. Êsêac sêkôc ênê lau samob ma sêkêñ êsêac sêngôn lau Israel nêñ gamêñ becoboña ñamagê. ²⁴Ma êsêac sêkêc malac to ñagêñ samob ja geñ. Tagen silber to gold ma ku, tañ sêmasañ ña ki kokoc to jejec nañ, sêkêñ jakêsêp kanom, tañ kêkô Apômtaunê andu nañ. ²⁵Josua gêjam awê mockaino Rahab to tamanê gôlôac ma nê lau samob, tañ sêwiñ en nañ sa. En gêngôn lau Israel ñalêlôm e mêngêdêñ galoc, gebe en gêsa lau jaen, tañ Josua kêsakin gebe sêkêñ kelen malac Jeriko nañ auc.

²⁶Gêdêñ têm tonan Josua kêjatu lau gebe têtôc lemen sêkô Apômtau lanônêmña ma kêsôm gebe “Aêac tapuc boa ñac, tañ êndi mêngêkwê malac Jeriko tonec sa êtiam nañ.

En ênac da alê ñamataña ña nê ñacsêga.

Ma ênac da malac ñakatam ña nê ñac sauñ.”

²⁷Amboac tonan Apômtau gêwiñ Josua ma ênê wae gêjam gamêñ samucgeñ auc.

7

1-26 *

8

1-35 *

* **7:1-26:** 7:1–9:27 Josua gêwê lau Israel nêñ sinwaga sêpi Kanaan ñagamêñ lôcña ma sêku malac Ai tulu. Êsêac sêmoatin poac ten sêwiñ lau Gibeon ñamin gêc tonec. * **8:1-35:** 7:1–9:27 Josua gêwê lau Israel nêñ sinwaga sêpi Kanaan ñagamêñ lôcña ma sêku malac Ai tulu. Êsêac sêmoatin poac ten sêwiñ lau Gibeon ñamin gêc tonec.

kin samob, tañ sêngôn gamêñ lôcña nan, sêkac sa sêmêñ gebe sênac sin êndêñ aêac.” ⁷ Ma Josua gêdi anga Gilgal ma kêpi gêja. Sinwaga to lau tonac lai samob sêsêlêñ sêwiñ eñ. ⁸ Ma Apômtau kêsôm gêdêñ Josua gebe “Ôtêc êsêac atom, gebe aê kakêñ êsêac sêsêp aôm lêmam sugac. Êsêacnêñ ñac teñ oc êkô aôm auc atom.” ⁹ Josua gêdi anga Gilgal ma kêsêlêñ gêdêñ gêbêc samuc tonan ma gêo lasê gêdêñ êsêac e têtakê. ¹⁰ Ma Apômtau gêgôm êsêacnêñ meloco kêsa e sêc lau Israel, tañ sêjac êsêac ñanô anga Gibeon nan su. Lau Israel sêjanda êsêac sêsêp intêna Bet-Horonña, ma sêjac êsêac e jadêdêñ Aseka to Makeda. ¹¹ Gêdêñ tañ êsêac sêc lau Israel su sêsêp intêna Bet-Horonña sêja nan, Apômtau tau kêbaliñ poc kapôêñ anga undambê jakêruc êsêac e jasêo lasê Aseka, ma êsêac sêmac êndu. Lau tañ sêmac êndu kêtû kom pocña nan, taêsam sêlêlêc lau, tañ lau Israel sêjac ña sin êndu nan su.

¹² Gêdêñ bêc, tañ Apômtau kêkêñ lau Amor sêsêp lau Israel lemeñ nan, Josua kêkô lau Israel lanôñnêm ma kêsôm gêdêñ Apômtau gebe “Aôm oc, ôkô ñañêñ anga Gibeon ma aôm ajôn, anga gaboan Aijalon.”

¹³ Ma oc kêkô ñañêñ ma ajôn kêkô amboac tonan geñ e lau sêkac kamocgôc gêbacnê.

Biñ tonan teto gêc Jasarnê buku gebe Oc tau kêkô umbon ñaluñ ma kêkac tau gebe naêsêp atom, kêkôgeñ kêtôm bêc samuc teñ. ¹⁴ Bêc teñ kêtôm tonan gêc gêmuñ atom ma gêc atom e mêngeđêñ galoc. Gêdêñ bêc tonan Apômtau kêkêñ taña ñac teñ awa ñam gebe Apômtau gêjac sin gêjô Israel.

15 Go Josua ma lau Israel samob sêc sêmu sêja nêḡ gamêḡ Gilgal kêtiam. 16-43 *

| | |
|--------|-----------|
| 1-23 * | 11 |
| 1-24 * | 12 |
| 1-33 * | 13 |
| 1-15 * | 14 |
| 1-63 * | 15 |
| 1-10 * | 16 |

* **10:16-43:** 10:16-23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtap nêḡ nom ḡsawa sa kêtômgeḡ. * **11:1-23:** 10:16-23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtap nêḡ nom ḡsawa sa kêtômgeḡ. * **12:1-24:** 10:16-23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtap nêḡ nom ḡsawa sa kêtômgeḡ. * **13:1-33:** 10:16-23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtap nêḡ nom ḡsawa sa kêtômgeḡ. * **14:1-15:** 10:16-23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtap nêḡ nom ḡsawa sa kêtômgeḡ. * **15:1-63:** 10:16-23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtap nêḡ nom ḡsawa sa kêtômgeḡ. * **16:1-10:** 10:16-23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtap nêḡ nom ḡsawa sa kêtômgeḡ.

1-18 *

17

1-28 *

18

1-51 *

19

1-9 *

20

1-45 *

21

1-34 *

22

1-16 *

23

* **17:1-18:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtâp nêḡ nom ḡsawa sa kêtômgeḡ. * **18:1-28:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtâp nêḡ nom ḡsawa sa kêtômgeḡ. * **19:1-51:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtâp nêḡ nom ḡsawa sa kêtômgeḡ. * **20:1-9:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtâp nêḡ nom ḡsawa sa kêtômgeḡ. * **21:1-45:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtâp nêḡ nom ḡsawa sa kêtômgeḡ. * **22:1-34:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtâp nêḡ nom ḡsawa sa kêtômgeḡ. * **23:1-16:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtâp nêḡ nom ḡsawa sa kêtômgeḡ.

24

Josuanê awamu

¹ Go Josua kêkac lau Israel nêḡ gôlôacmôkê samob sa anḡa Sikem. En kêkalem lau Israel nêḡ lau ḡanô to laumata ma nêḡ gôlḡwaga to kasêga samob sa jasêkô Anôtô laḡônêḡ. ² Go Josua kêsôm gêdêḡ lau samob gebe “Apômtau, lau Israel nêḡ Anôtô, kêsôm biḡ tonec gebe ‘Gêdêḡ andanḡen amac tamemi Abraham agêc Nahor tamenḡi Tara sêḡḡonḡ bu Euprat ḡamakenḡ ôḡêḡa, ma sêjam sakinḡ gêdêḡ anôtôi jaba. ³ Go aê kakôc amac tamemi Abraham su anḡa bu ḡamakenḡ ôḡêḡa ma gawê en kêsêlêḡ kêtôm gamêḡ Kanaanḡa samob. Aê kakêḡ êḡê wakuc têtû taêsam. Aê kakêḡ Isak gêdêḡ en. ⁴ Ma kakêḡ Jakob agêc Esau gêdêḡ Isak. Aê kakêḡ gamêḡ lôcḡa Seir gêdêḡ Esau gêwê kainḡ, mago Jakob to nê latui sêsêp Aiguptu sêja. ⁵ Go kasakinḡ Mose agêc Aron ma kakônḡiḡ Aiguptu ḡa gêḡwapac, taḡ gagôm anḡa gamêḡ tau naḡ. Su, go gawê amac asa amêḡ. ⁶ Aê gawê amac tamemi sêsa anḡa Aiguptu sêḡmêḡ e aô lasê gwêc. Ma lau Aiguptu sêjanda amac tamemi ḡa kareta to hos e jadêdêḡ Gwêckoc. ⁷ Ma êsêac awenḡ gêjac Apômtau ma en kêkêḡ gêsunḡbôm ḡenḡ amac to lau Aiguptu kêsi to gêḡôm gwêc kêmakop e kêsalê êsêac auc. Amac matemanô alic ḡêḡ, taḡ aê gagôm gêdêḡ Aiguptu naḡ su. Amac amoa gamêḡ sawa ḡasawa baliḡ. ⁸ Go aê gawê amac aô lasê lau Amor, taḡ sêḡḡonḡ Jordan ḡamakenḡ ôḡêḡa naḡ, nêḡ gamêḡ. Gêdêḡ taḡ kakêḡ êsêac sêsêp amac lemem ma amac akôc êsêacnêḡ gamêḡ su naḡ, aê gasenḡ êsêac gamunḡ amac. ⁹ Go kinḡ Moabḡa Sipor latu Balak gêdi ma gêjac sinḡ

gêdêñ Israel. Enj kêsakiñ biñ gêdêñ Beor latu Bileam gebe êmêñ ma êpuc boa amac. ¹⁰ Mago aê kakêñ tañoc Bileam atom, tec enj gêjam mec amac. Gagôm amboac tonañ, tec gajam amac kêsî anğa Balak lêma. ¹¹ Go amac alom bu Jordan e aô lasê malac Jeriko. Ma lau Jerikoña sêjac siñ gêdêñ amac. Mago lau Jeriko taunğenñ atom, lau Amor to Peres ma Kanaan to Het ma Girgas to Hiw ma Jebus amboac tonañğenñ. Mago aê kakêñ êsêac sêsêp amac lememe. ¹² Aê kasakiñ banic gêmunñ ma kêjanda lau Amor nêñ kiñ luagêc gêmunñ amac. Amacnême siñ to talam gêgôm atom. ¹³ Aê kakêñ gamêñ tenñ, tañ ajam kôm kêpi atom nañ, gêdêñ amac ma kakêñ malac, tañ amac akwê sa atom nañ, gêdêñ amac anğonñ. Amac aenñ kôm wainña to katêkwi, tañ asê atomanô nañ ñanô.’

¹⁴ “Amboac tonañ galoc atêc Apômtau to anam sakiñ enj têmtac makeñ ma tonême ñalêlôm ñañênğenñ. Atiñ anôtôi jaba, tañ tamemi sêjam sakiñ anğa bu ñamakeñ ônêña to anğa Aiguptu nañ su, ma anam sakiñ Apômtau. ¹⁵ Mago amac embe andec gebe anam sakiñ Apômtau, go ocsalô tonec ajaliñ anôtôi, tañ abe anam sakiñ nañ sa. Abe anam sakiñ anôtôi, tañ tamemi sêjam sakiñ anğa bu ñamakeñ ônêña nañ, me lau Amor, tec anğonñ êsêacnêñ gamêñ nec, nêñ anôtôi me. Mago aê to ñoc gôlôac abe anam sakiñ Apômtaunğenñ.”

¹⁶ Go lau tau sêjô enj awa gebe “Biñ tonec gebe awi Apômtau siñ ma anam sakiñ anôtôi jaba nec ênac jaê aêac, ¹⁷ gebe Apômtau, aêacnêñ Anôtô, gêwê aêac to tamenñ tapi anğa Aiguptu tamêñ ma gêwê aêac dawi andu kapoacwalônña siñ. Enj gêgôm

gêñsêga kaiñ teñ aêac talic ma gejob aêac aña intêna samob, tañ tasa nañ, ma gejob aêac gêdêñ tañ tasêlêñ tasêp lau tomôkê-tomôkê ñalêlôm nañ. ¹⁸ Ma Apômtau kêjanda lau tomôkê-tomôkê gêmun aêac, eñ kêjanda lau Amor, tañ sêngôñ gamêñ tonec nañ, amboac tonanğen. Kêtu tonanğa aêac abe anam sakiñ Apômtau amboac tonanğen, gebe eñ kêtu aêacnêñ Anôtô.”

¹⁹ Mago Josua kêsôm gêdêñ lau tau gebe “Amac atôm gebe anam sakiñ Apômtau atom, gebe eñ Anôtô dabuñ. Eñ gêjam lêmun lau gebe têntac êwiñ eñ taugen. Eñ oc êsuc amacnêñ biñ agêli biñsuña to nêñ sec ôkwi atom. ²⁰ Eñ kêmoasiñ amac su, mago amac embe awi eñ siñ ma anam sakiñ anôtôi jaba, go ênam dêmôê amac ma êngôm amac sec to enseñ amac su.” ²¹ Ma lau sêsôm gêdêñ Josua gebe “Masi, aêac abe anam sakiñ Apômtau.” ²² Ma Josua kêsôm gêdêñ lau gebe “Amac taôm awa taôm sa gebe ajaliñ Apômtau sa gebe anam sakiñ eñ.” Ma êsêac sêsôm gebe “Aêac awa tauñ sa sugac.” ²³ Eñ kêsôm gebe “Amboac tonañ, go atin anôtôi jaba, tañ sêc amac ñalêlôm nañ su, ma akêñ nêñ ñalêlôm êndêñ Apômtau, Israelnêñ Anôtô.” ²⁴ Ma lau sêsôm gêdêñ Josua gebe “Aêac anam sakiñ Apômtau, aêacnêñ Anôtô, to tañeñ wamu ênê awa.” ²⁵ Tec gêdêñ bêc tonañ Josua kêmoatiñ poac gêwiñ lau ma kêmasañ biñsu to ñagôliñ kêtu êsêacña aña Sikem. ²⁶ Ma Josua keto biñ tonañ kêsêp Anôtônê biñsu ñabuku. Ma eñ kêkôc poc kapôeñ teñ jagêjac sa aña kamem, tañ kêkô Apômtaunê gamêñ dabuñ nañ ñalabu. ²⁷ Ma Josua kêsôm gêdêñ lau samob gebe “Alic acgom, poc tonec êtu ñabelo êwa aêac

saņa, gebe gêṅô Apômtaunê biṅ samob, taṅ eṅ kêsôm gêdêṅ aêac naṅ gêwiṅ. Kêtu tonanṅa amac embe ansa nêṁ Anôtô auc, go poc tau êtu ṅabelo êwa amac saņa.”²⁸ Go Josua kêsakiṅ lau sêc sêja nêṅ nomlênsêṁ gêdêṅ-gêdêṅeṅ.

Josua agêc Eleasar sêmac êndu

²⁹ Biṅ tonanṅ gêbacnê, go Apômtau nê sakiṅwaga Nun latu Josua gêmac êndu. Ênê jala kêtú 110.³⁰ Ma êsêac sêsuṅ eṅ aṅga tau nê nomlênsêṁ ṅamalac Timnat-Serat, taṅ gêc lôc Gas ṅagamêṅ gêṁu kêpiṅa aṅga Epraim ṅagamêṅ lôcṅa.

³¹ Ma lau Israel sêjam sakiṅ Apômtau gêdêṅ bêc Josua gêmoa mata jaliṅa samob. Eṅ gêmac êndu su ma laumata ṅagêdô, taṅ sêlic kôm, taṅ Anôtô gêjam kêpi lau Israel naṅ, gacgeṅ sêmoa. Tec lau Israel sêjam sakiṅ Apômtau gêdêṅ laumata tonanṅ nêṅ bêc sêmoa mateṅ jaliṅa samob amboac tonanṅeṅ.

³² Josepnê ṅatêkwa, taṅ lau Israel sêkôc aṅga Aiguptu sêmêṅ naṅ, sêsuṅ aṅga Sikem kêsêp nom, taṅ Jakob gêjam ôli ṅa mone silber 100 gêdêṅ Sikem tama Hamor latui naṅ, ṅasawa teṅ. Gamêṅ tau kêtú Josepnê wakuc nêṅ nomlênsêṁ teṅ.

³³ Ma Aron latu Eleasar gêmac êndu ma sêsuṅ eṅ aṅga latu Pinehas nê malac Gibeá. Êsêac sêkêṅ malac, taṅ gêc Epraim ṅagamêṅ lôcṅa naṅ, gêdêṅ eṅ.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 21 Feb 2024 from source files dated 31 Aug 2023

447e01c5-a375-5452-ae54-b3f890293eeb